



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՌՈՂՋԱՊԱՀԱԿԱՆ ԵՎ
ԱՇԽԱՏԱՆՔԻ ՏԵՍԶԱԿԱՆ ՄԱՐՄԻՆ

ՂԵԿԱՎԱՐ

N 01/1855-2023

0047 ՀՀ Երևան, Նորք-Մարաշ, Ա.Արմենակյան փ. 129

(374-10) 65-05-53, 65-03-05

Էլ. փոստ info@hlib.am

«31» 01 2023թ.

ՈՐՈՇՈՒՄ N 0186

Թիվ 071122-1265 ՎԱՐՉԱԿԱՆ ՎԱՐՈՒՅԹԸ ԿԱՐՃԵԼՈՒ ՄԱՍԻՆ

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «բ» կետով և հաշվի առնելով ՀՀ պետական եկամուտների կոմիտեի նախագահի 2022 թվականի սեպտեմբերի 23-ի 01/70-8/69063-2022 գրությունը և ներկայացված կից արձանագրությունը, ՀՀ առողջապահական և աշխատանքի տեսչական մարմնում (այսուհետ՝ Տեսչական մարմին) 2022 թվականի նոյեմբերի 07-ին հարուցվել է թիվ 071122-1265 վարչական վարույթ «ՑԱՐ» ՍՊԸ-ում (ՀՎՀՀ 04437149) ՀՀ աշխատանքային օրենսգրքի 14-րդ, 85-րդ և 102-րդ հոդվածների պահանջների պահպանումը պարզելու նպատակով:

Տեսչական մարմնի ղեկավարի 2022 թվականի նոյեմբերի 07-ի թիվ 071122-1265 հրամանի հիման վրա 2023 թվականի հունվարի 19-ին, 2023 թվականի հունվարի 25-ին այցելություն է իրականացվել «ՑԱՐ» ՍՊԸ-ի գործունեության հասցե, որը փակ է եղել, իսկ ընկերության տնօրենի բնակության վայրում, տնօրենը չի հայտնաբերվել:

Վարչական վարույթին առնչվող փաստաթղթերի փաթեթը պատշաճ ձևով փոստային և էլեկտրոնային եղանակով (Էլ. փոստ՝ ingamanukyan1985@mail.ru) առաքվել է Ընկերության տնօրեն Սեդրակ Սամվելի Մանուկյանին, սակայն վերջինս չի ծանուցվել, որից հետո բազմիցս փորձեր է արվել Ընկերության տնօրենի հետ կապ հաստատել, սակայն չի ստացվել:

Ըստ Հայաստանի Հանրապետության կառավարությանն առընթեր պետական եկամուտների կոմիտեի էլեկտրոնային հարթակում տեղադրված տեղեկատվության՝



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՏԵՍԶԱԿԱՆ ՄԱՐՄԻՆ
HEALTH AND LABOR INSPECTION BODY
OF THE REPUBLIC OF ARMENIA

0047 ՀՀ, ք. Երևան, Նորք-Մարաշ, Ա. Արմենակյան 129
Հեռ. (374-10) 65-05-53 Էլ. փոստ՝ info@hlib.am

www.hlib.am
Թեժ գիծ՝ 8107

Վերադարձվել է 01.02.23

գործունեությունը ժամանակավոր դադարեցված է:

Հիմք ընդունելով «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 2-րդ մասի «ա» կետը՝ 2022 թվականի նոյեմբերի 30-ին վարչական վարույթը կասեցվել է՝ վարչական ակտի հասցեատիրոջ բացակայելու հիմքով:

«Վարչարարության հիմունքների և վարչական վարույթի մասին» ՀՀ օրենքի 50-րդ հոդվածի 1-ին մասի «ե»¹ կետի համաձայն՝ վարչական մարմնի հարուցված վարչական վարույթը կարճվում է, եթե՝ լրացել է սույն օրենքի 49-րդ հոդվածի 3-րդ մասի երկրորդ պարբերությամբ նախատեսված ժամկետը, և այդ ընթացքում չի վերացել վարչական վարույթի կասեցման հիմք հանդիսացած հանգամանքը:

Ելնելով վերոգրյալից, հիմք ընդունելով «Վարչարարության հիմունքների և վարչական վարույթի մասին» 50-րդ հոդվածի 1-ին մասի «ե»¹ կետը և 3-րդ մասը, ՀՀ վարչապետի 2018 թվականի հունիսի 11-ի N 755-Լ որոշմամբ հաստատված ՀՀ առողջապահական և աշխատանքի տեսչական մարմնի կանոնադրության 19-րդ կետի 13-րդ ենթակետը.

ՈՐՈՇՈՒՄ ԵՄ

1. ՀՀ առողջապահական և աշխատանքի տեսչական մարմնում 2022 թվականի նոյեմբերի 07-ին հարուցված թիվ 071122-1265 վարչական վարույթը կարճել՝ վարույթի կասեցման ժամկետի լրանալու և այդ ընթացքում վարչական վարույթի կասեցման հիմք հանդիսացած հանգամանքը չվերանալու հիմքով:
2. Սույն որոշումը ծանուցել «ՑԱՐ» ՍՊԸ-ի տնօրեն Սեդրակ Սամվելի Մանուկյանին՝ ՀՀ Արմավիրի մարզ, ք. Մեծամոր, 5.թղմ. /Շ/ 5-14/1 հասցեով:

Շնորհակալություն համագործակցության համար,

ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ



Recoverable Signature

X

ՍԼԱՎԻԿ ՍԱՐԳՍՅԱՆ

Signed by: SARGSYAN SLAVIK 3807890467

ՍԼԱՎԻԿ ՍԱՐԳՍՅԱՆ

Սույն վարչական ակտն ուժի մեջ է մտնում վարչական վարույթի մասնակիցներին իրազեկելուն հաջորդող օրվանից

Սույն վարչական ակտն ստանալու օրվանից 2 ամսվա ընթացքում կարող է բողոքարկվել Հայաստանի Հանրապետության առողջապահական և աշխատանքի տեսչական մարմին:

Սույն վարչական ակտն ՀՀ վարչական դատավարության օրենսգրքի 72-րդ հոդվածով սահմանված ժամկետում կարող է բողոքարկվել վարչական դատարան:

